

八瓊室金石補正

八瓊室金石補正卷七十三

太倉陸增祥撰

男 繼輝校錄

吳興劉承幹覆校

唐 四十五

王從政暨薛氏合祔誌

方一尺五寸五分廿三行行廿五至
廿七字字徑五分正書在吳縣潘氏

大唐故王府君墓誌銘 井序

鄉貢進士劉可記譔

公諱從政太原郡人也其先歷代簪裾間生賢哲

祖因官遂家於河南府版藉焉

曾祖諱冰使持節

諸軍事守錦州刺史鎮居方岳位列雄藩宏化之美信孚百城 祖琳仕爲原州司馬名以孝聞位因才達

國華人望榮觀一時 府君公即司馬之長子也至

性崇禮□奉宗祏感覆載之深恩戀晨昏而不事恭近於禮以此爲美不失其親以此爲貴夙夜虔虔匪躬之不逮恂恂於鄉黨愛敬盡於 祖考協和宗族豈非福慶而致焉於厥禍方無跡生也遇疾弥流日臻百藥不救人有斯疾天喪斯聞享年七十於大和四年夏四月啓手于靈臺縣之私第嗚呼哀哉公弱冠之勛娶於河東郡薛氏即 故雲麾將軍之嫡孫也 夫人

夙承善慶生自德門歸彼君子含章永貞奉以舅姑流
謙自誠潔齋承祀善復勤勞儀尔芳名內外欽屬吁哉
天道言口賢能以大和九年冬十一月願命于家捨其
榮養公有三子長子元通次子元用幼子僧次嚴等並
以溫柔克諧全茲孝悌慕風泣血逮象高柴知禮善喪
豈唯顏子以開成元年歲次丙辰三月三日合祔於
皇考故塋即涇州靈臺縣東三里北原之禮也恐陵
谷遷變刻于貞石銘之詞曰

昭昭白日

昊昊上天

悲風松柏

瘞於隴

田

功勲承代

痛惜良賢

永懷不祐

俄

歸逝川

白駒遄及

日往月遷

至孝□□

諒陰墨言

四時潛運

永乎祀年

千秋□

□ 墳所生煙

誌稱從政之祖爲曾祖稱其父爲祖不可法也或疑誌有脫文恐未必然彌留作流古通斯文作聞同音借字欽屬屬當是囑之省墨言墨是默古通佛峪金剛會碑

高二尺六寸廣一尺八寸兩截上截文卅一行下截年月姓氏廿九行行字不一字徑四分餘正書隸額四行題大唐故金剛邑會碑八字字徑寸餘在歷城東佛峪

□□石弥勒像讀并序

□濟州厯城縣維那劉長清等八人爲□中金剛經邑
會之長會同邑內信直者十數公俱礼南靈臺山禪大
德僧□方爲出世之師師以大和六年受靈巖寺請命
詣闕進本寺圖將謝

聖旨再許起量鎮國般舟道場之鴻澤師行能二脩募
止京畿首末三秋無疾而謝世維那劉公等痛惠焰
絕照法鏡沉光無明益昏大道荒塞乃率邑內諸人等
家財同心奉爲沒故禪大德建此弥勒像一軀侍菩薩
兩軀於南靈臺山先師宴坐之地上蒼生萌法海之恩

惠矣

□先身得授

佛記菩薩号問逸多今爲

次□

四天天中取演無上妙解脫正真理補處一□攝用歸
於圓寂無數天人隨其六事行果聞見親踈近者薰其
□種清淨至不退地遠者著快妙樂天福盡還墮迺五
十六億萬歲滿降生閻浮當翹頭末城孕大妙梵婆羅
門舍□□生長少猷塵跡悟无常无我因寶臺起觀知
了竟終空灰心滅智法證無生度能人正像末遺法白
黑弟子□百八十二億數日慈氏如來即弥勒佛之卒
稱器界攢縮草木芬香環海抽銷濤湧溢徹一蔭七實
人壽過仙迷浮覺休坤成金色有軸王出興号偃佉与
□及嬌嬪等皆墮髮修空迷證道果鵠□山爲之峯裂

迦葉波定盡捧釋氏授 慈氏竟化火而謝僧居女男

万万計俱發無上道意故今之刻像已息未來弥修口

佛之良因冀入龍花之大會者也 訟曰 鍊行三祇

劫 當來證法王 四維千万土 一口三毫光 下

界牢籠固 天口歲月長 眾生淪溺苦 俟降竺軋

方以上
上截

開成二年歲次丁巳四月甲午朔

功德主及都維那邑人等一百一十人結金剛經會每

會書經一卷每至正月十八日九月十五日設齋一中

以表眾緣標於此碑

院主僧行勤

邑人蹇秀誠

魏少寂

榮日華

功德主劉長清

田清

王如山

房惟晟

都維那王昇朝

趙西華

張材用

王義成

維那劉君義

高進王

盖文政

孫允

維那劉征岳

段苾

李濬

魯憲朝

維那李士良

李榮

苑元瞻

高文素

維那張敬宗

高行口

李樂山

馮端

維那王士義

韓良季

王君祐

田欽晟

維那李綰

尹懷珎

徐良祐

劉文會

維那張少林

侯君集

趙廣陽

張如雅

僧元忠 僧廣濬 丁少陽 李與俊 吳進明

僧楚文 僧簡裕 曹良祐 李惟寬 李文真

僧居政 僧善住 李全義 劉湛 李重昌

僧思口 邢忠信 李玉山 宋仁 李餘

尼體幽 楊再清 高文弼 郭士清 董日榮

尼元珪 趙孝恭 左裴柳 趙國進 朱寶山

尼志堅 孫再榮 崔口 高慶 劉元甫

尼堅行 仇智梟 劉惟義 劉惟讓 劉惟和

李公升 段常省 曲文宗 段良茂

右一列

右二列

右三列

右四列

段良弼

張文遇

張友信

李輔國

嚴慤

張幹

張穎

王士倩

李清

榮法空

趙惟義

郭達

孫行素

吳士林

王士慶

王進義

霍沅

周忠信

鄧懷義

李万迪

許良祐 梁如泉

翟公信 李文慶

侯重興 張逢玉

陳公弁 高友成

史口豐 翟公信

郭明義 徐令芳

劉宗襲 劉元亮

劉惟會 劉惟忠

段良義 杜達

右五
列

右六
以上六列
爲一段

女弟子等清淨海 蓮花藏 功德性 素真 會

香林 阿李 无亮恩 温和 阿鄧 佛果

圓 妙智 清淨額 常歡喜 淨花林 圓滿

如蓮花 九天花 心清淨 常自在 阿李

觀自在 阿張 阿潘 修德 真如藏 常

觀察 界香林 以上四行
爲一段

崔從口 宋佐元 殷王薩 王元濟 劉惟義

弟良恕 王口亮 張殷政 宋良臣 王良

秀 弟良秘 弟良允 燕林 以上三行
爲一段 下截

縣志云題名有蹇秀誠其人杜詩濟南名士多自注

時邑人蹇處士輩在坐或謂後人僞爲以此碑證之
知當時固有蹇姓而公自注爲不廣也女弟子有曰
淨花林常歡喜如蓮花等名頗新麗宋元已後北方
弟子罕以小名傳矣

山左金石志

碑出里俗之手文字皆無足取譌俗亦多山左金
石志所錄額缺故邑二字法鏡沉光缺沉字演無
上妙演誤作滿環海抽銷缺抽字鵠口山鵠誤作
鷄段良祭祭誤作察祭即祭之俗王如山山誤作
忠許良祐祐誤作祐張逢玉逢誤作廷仇智梟梟
誤作昇西安有優婆姨段常省塔銘刻於天寶十

二載此題名內亦有段常省其人偶同名也

梓州刺史馮宿碑

開成二年五月十三日
編載卷一百十三

巡官

缺巡字

立其子

缺立字

示逆順

缺示字

杜口

刊口誤

貶惡

缺貶

字遷兵部

缺兵字

元翼

缺翼字

不解

缺解字

紀涕

缺紀字

間里

缺間

字陳

缺陳字

詔人

缺人字

子翼

且誤

且留

餘缺

君象

缺象字

所中

缺所字

常少

缺少字

杖下

口口

口中

缺中字

令行

禁止

缺令

行二字此
下失拓

新唐書馮宿傳婺州東陽人碑云冀州長樂人下文

又云乞歸江左以奉色養元和姓纂馮宿長樂人後

徙東陽碑所著特其舊望爾碑稱宿父諱子華宿遷

華州刺史以州名犯先公諱固讓不拜子華之華讀
平聲華州之華讀去聲字同音異晉書王舒傳舒父
會王導欲出舒爲會稽內史舒辭以父名朝議以字
同音異於禮無嫌故宿亦固讓而後不拜也

平津讀碑記

鄭覃進石經狀

裝本高廣行字不計正書在西安

國子監

准大和七年十二月五日

勅於國子監

缺

九經并孝

經論語爾雅共壹伯伍拾

缺

字樣肆卷

石經圖壹軸

右伏准

勅旨創

缺

鑄刻已畢伏以

陛下敦修教義崇缺脩刊貞石遂使究尋不缺者秘奧

盡列于缺儒風大闡自漢魏以後淪缺修當 聖明

缺廣大悉脩臣缺忝司成詳觀不朽之功實賀無疆

缺本并圖一軸謹差專知官朝缺守國子毛詩博士上

柱國章師道隨缺本進謹進

缺年十月十三日銀青光祿大夫守尚書右僕射兼

門下侍郎國子祭酒同中缺事 太清宮使監修國

史上柱國滎陽郡開國公食邑二千戶臣覃狀進

案石刻十二經已見關中金石記末有年月一行艾

居晦陳玠等十人銜名十行詳載西安府志二書皆

未及進書之狀此石殘缺當爲明嘉靖乙卯地震所
碎縱橫止餘尺許無年月是經成于開成二年十月
則進狀當在其時第五行章師道全銜上缺朝議郎
三字第六行臣覃全銜上缺都檢校官銀青光祿大
夫右僕射兼門下侍郎判國子祭酒同中書門下平
章三十字證以末段銜名而知也狀有忝司成三字
蓋鄭覃時爲國子祭酒狀即覃撰而章師道等因隨
狀署名也

隋唐石
刻補遺

按此刻于石經後書石校勘諸臣題名之左壹伯伍
拾下當是捌卷二字專知官朝下當是議郎二字同

中下當是書門下平章五字石經之刻始於大和七
字十二月成於開成二年九月越四年而竣即以其
年十月奏進年上缺字當是開成二年也金石續編
王氏編錄石經遺此進狀黃氏所見亦非足本此
從固始吳氏藏本錄入

黃公記

高一尺九寸八分廣三尺二寸廿八
行行十五字字徑寸許正書在絳州

黃公記

絳州道士觀其教所謂碧落尊像者石爲之其背篆

書六百三十九字□□永隆中孝子李譔譔等爲此助

冥福

者

也文體亦當時宏贍者篆六百三十九字蹤蹟

奇古妙絕世傳李監陽冰見□大嘆異服膺像下旬時

卒不得影響□熱中以椎椎之今有損處若拳者□□

也然因是斯篆顯於世競摹寫所謂□落碑者余討史

氏得譔之卒末乃□□忠烈者也

下空

高祖子韓王元嘉嘉生譔別封黃□公天后時諸武欲

掩神器王時爲絳州刺史公不勝忍自京託疾

至絳與王潛議起兵誅諸武迎

中宗於房陵時瑯琊王沖亦與謀期有日矣不幸沖不

俟期先起以敗公

與

王發覺伏誅嗚呼史云公父子皆

□□法爲重人尤好古學家藏書埒天府□□卒爲詳

定公爲文與當時周思□□利貞者齊名觀中別有記

云荆人□□玉書者非也惟玉絕不聞必公自□□以

在疚故沒耳不然何書工如此□□而不悉其人乎是

必無惟玉余重□□忠節不顯舉世祇以碧落聞碧落

□□好事者以惟玉僞故刻石碑旁弔□□□時開□

二年十一月二十五日絳□長史李漢記

唐黃公記李漢撰八分書無姓名開成二年十一月

金石錄目

碑陰記其始末前題黃公記末題開□二年十一月

廿五日絳□長史李漢記新唐書宗室世系表誤封
黃國公碑國作縣字雖泐下半尙可辨舊唐書李漢
傳大和九年六月李宗閔得罪罷相漢坐其黨出爲
邠州刺史宗閔再貶漢亦改邠州司馬仍三二十年
不得錄用其爲絳州長史史不言開下泐者當是成
字

平津讀
碑記

右黃公記在碧落碑陰李漢撰無書人姓名結構
峻整與鄭承規釋文相似下截殘泐一二字集古
錄碧落碑跋尾云李璿之以爲陳惟玉書李漢以
爲黃公譔書是歐陽公嘗見此碑矣而集古錄目

則未列入也趙氏金石錄有目無跋此本紀元開
下缺一字以集古錄證之知爲開成惟碑係正書
趙氏以爲八分或傳寫之譌也世鮮拓本蓋競於
碧落碑之名椎拓多不旁及然是碑之完美可愛
亦正藉此耳案碧落碑釋文云有唐五十三禩龍
集散胖哀子李訓誼譔諶云云集古錄以爲總章
三年此碑云永隆中孝子李譔諶等爲妣助冥福
永隆祇有一年於唐爲六十三祀是歲庚辰不直
午與龍集散胖語不符碑又不及訓誼名舊史稱
訓早卒元嘉被害時不言及訓亦不言及誼誼或

亦先卒其不及訓誼名猶可說也永隆與總章相距且十年殆李漢不解篆書故爾舛誤時未有釋文之刻也元嘉父子於垂拱四年見殺碑云王時爲絳州刺史與唐書言垂拱中徙絳州刺史者相符顧氏金石文字記以爲不合者蓋以此碑敘述前事之詞律以造像鑄字之年耳瑯琊王沖越王貞之子碑中所述與韓王越王傳均合董道廣川書跋云李漢謂終于碧落字而得名今讀碑無此語殆在陳惟玉記中別封黃□公黃下缺一字據宗室世系表則爲黃國公而碑刻此字下半尙有

小蹟似非國字與當時周思□□利貞者齊名思
下缺二字據唐書云孟利貞稱其文曰劉隣之周
思茂不是過也則爲茂孟二字無疑觀中別有記
云荆人□□玉書者人下缺二字據集古錄跋云
李潛之以爲陳惟玉書則玉上是陳惟二字記即
李潛之所撰廣川書跋謂李肇得觀中石記爲陳
惟玉書即此也絳□長史李漢記絳下缺一字長
字亦缺下半蓋絳州長史也李漢字南紀雍王之
後淮南王六世孫唐書附淮南王道元傳文宗立
召爲屯田員外郎進御史中丞吏部侍郎出爲汾

州刺史改州司馬案舊書作邵州不數歲徙絳州長史大

中時拜宗正少卿讀此碑知其爲絳州長史蓋在

開成初也碑側有楊損題字未見

溪州刺史田英誌銘

高二尺三寸三石合之廣二尺廿四行行廿七字至世三字不等首行四十五字字徑六分正書在彭水

故銀青光祿大夫使持節溪州諸軍事守溪州刺史鴈門縣開國男食邑三百戶上柱國賜紫金魚袋田公誌銘并序

經略隨軍將仕郎試太子通事舍人後周介公元孫

太陽子撰

噫四時有代謝人情有始終貴賤榮枯有生有威者也
然哲有忠貞者仕主之令名有節行者爲人臣之遠格
夫度人天之拯雄忠孝焉忠於事主可建邦家揚于王
庭可爲人保一而遂之則故田使君之能事矣使
君公諱英字英鴈門人也安平君之苗裔也其先祖
粉榆京錫倚寄黔中冠冕聯綿朱紫不絕烈考玉諱
寅字官任黔州洪杜縣令秩滿□奏授光州司馬上柱
國賞緋魚袋詢訪耆舊稱文詞絢練翰墨芳馨道賫邊
城化毗方岳挹王祥之美化得羅含之風者哉太妣
蘇性也武此字旁注功之貴族也母儀有則貞淑可觀德充

趙括之親賢可王陵之母然古今有隔節行不殊者哉
公稟精粹之氣岌然天姿氣魄稜、事君竭節能展熊
羆之仕肅著爪牙之威幾變權謀人具瞻仰又位分符
竹宣贊六條政術多方化治封部不苟不擾恣恤惇嫗
布政五溪譽傳巴楚嗚呼享年六十有四良晷未展厚
祿初霑自守郡城纔經二稔天道恍惚時事多端悔恡
吉凶陰陽莫測無何遘戾業力無施運命兩乖奄歸真
宅冰容忽逝永弃明時一代生涯千春已畢楊朱益
墨子重悲以開成二年丁巳歲暮之杪二旬有八日終

於西陽官舍至冬十二月旬有三日壬寅塋于府城西
南隅唐牙峯高原禮也粵有節婦 張夫人者則南陽
張□君仙尉之女也芳閨令淑婉婉貞明秦晉合儀調
如琴瑟節偕杞婦賢頗鴻閨者歟且嚮其服用資贍送
終喪盡其哀祭盡其敬一女特達立節忘軀大義克崇
婦道之本也有善不旌有節不錄何以激人倫而彰化
平也或慮山迴谷圯或市或朝主嗣莫分命余述誌余
學識淺劣承乏操文不揆管窺叨陳梗槩銘曰 偉
哉田侯 禮樂鏘々 敦經閱文 爲人紀經 公心
翼々 爲棟爲樑 位分符竹 惠化封壤 亢龍有

悔 悲哉夕陽 干祿萬歲 委骨郊荒

巨唐開成三年四月廿日匠京地奉和鵠 宇文坤

述文併書

丙子九月王巡檢

尙悔

以此誌及山谷黔州題名

爲贈是近年出土者其尊人司鐸西陽就近拓得之知余有金石癖因郵寄焉田英及父寅無考撰書者宇文坤前題後周介公元孫太陽子署銜不署名誌尾復題宇文坤述文併書可補碑版廣例之一誌銘分刻三石亦碑例所未有後周介公者宇文洛也文帝叔虞公阿頭之孫興之子隋封介

公宰相世系表自洛至庭立並襲介公而離惑之

下庭立之上關佚兩世名字亦無坤名此稱介公

元孫則似非襲爵者雖於離惑爲子行既非離惑

之子即未必爲庭立之祖也溪州靈溪郡天授二

年析辰州置田英爲溪州刺史卒於酉陽官舍唐

無酉陽郡縣名溪州轄縣三亭有大酉山

見新唐書地理

志蓋在酉山之陽或泐漢晉舊稱墓於府城西南

隅者黔州都督府也僞寄黔中即葬於彼耳父寅

爲洪杜令洪杜即黔州所轄縣武德二年析置因

洪杜山爲名英終於開成二年三月葬於十二月

旬有三日壬寅通鑑目錄是年十二月庚寅朔以
此推之十三日正值壬寅誌鐫於三年四月是臨
窆時石未納壙也字學河南而書刻草率未免譌
誤然哲有忠貞者仕主之令名疑仕爲事之誤業
力無施業乃藥之形誤冰客忽逝冰疑音之音訛
代謝作榭榭古作謝此反以榭爲謝惟機變作幾
封疆作壙於古爲合愍虎括三字皆避諱缺筆而
享年作享獨不避肅宗名諱豈以音讀不同歟烈
考王諱寅字謂烈考諱玉字寅也

奉禮郎李繼妻博陵崔氏墓誌

方一尺三寸一分十九行行字不一
字徑四分撰人銜名一行較小正書

唐故博陵崔氏夫人□□

李府君墳所誌文

宣武軍節度使檢校□□尚書兼御史夫人李紳撰

夫人博陵崔氏祖□父緡以貞元丙寅歲移天從于李

氏先府君禮也府君以元和庚寅歲終于無錫縣私第

以元和丙申歲歸祔于白鹿原夫人以大和甲寅冬十

月十五日終于越州觀察使之官舍春秋六十有九夫

人無嗣子有女子一人已出也嫁于河東裴達達亦先

霜露孤女歸我與弱子苑苑先祖母夫人□□疾終開

成戊午歲春正月啓夫人於構李与

孫苑

□北苑歸其

裴氏大墓夫人合祔于先兄奉禮府君之□秋七月旣
晦乙酉合封禮畢夫人柔淑謙順之□□于府君先誌
嗚呼夫人有姊妹五人而鮮兄弟先兄娶夫人而無嗣
子夫人之女子適裴氏一子中殤以亡崔李裴三氏皆
絕胤豈天乎不知者陰隲耳銘以誌言用符元室銘曰

奉禮清德夫人淑儀廿五載和鳴婉隨諸彼瑟琴終無
祿仕家食是肥荆釵自貴商廟有偶伯道無嗣歸□□

□□□永祕

右崔氏墓誌李紳撰文云合祔于先兄奉禮府君之□是紳於夫人爲夫之弟而夫人之夫不詳其名以前李繼墓誌證之知崔氏即李繼之妻也惟彼誌所述繼卒于元和四年與此誌所書庚寅者差一年然餘俱胷合其爲繼妻無疑彼誌文後有博陵不義不順不奔不護明神有知終不得祔數語而崔氏歿後公垂仍令祔於奉禮之塋并爲文以誌之蓋不欲絕之已甚也文簡質有古法但云柔淑謹順之□□于府君先誌合祔誌文之體固應如是抑以前誌有不義不順之語於此不欲顯

薄其非故爲此隱約之詞耶首行夫人下似歸祔
二字其款式未見於他誌可備碑版廣例之一先
祖母夫人之下似是二日二字新舊唐書李紳傳
開成初鄭覃以紳爲河南尹遷宣武節度使與誌
正合誌云檢校□□尚書兼御史大夫史略之傳
又云大和中擢紳浙東觀察使此誌云終于越州
觀察使之官舍蓋崔氏依紳以居歿於紳所也戊
午爲開成三年是年七月丙辰朔此云既晦乙酉
是大盡日也與通鑑目錄合銘詞廿五載句少一
字古人恆有之

大泉寺新三門記

開成三年十一月廿六日 萃編載卷百十三

不周於用

周誤

文入于石

入誤

記稱初寺每有僧俗大會五千餘眾號曰龍華荆楚

歲時記四月八日諸寺各設齋以五香水浴佛作龍

華會以為彌勒下生之徵唐人重此會故題詠中屢

及之

平津讀碑記

碑今斷缺人咸歸之之字宋室舊邑宋字王氏所

見尙完整也

義陽郡王苻璘碑

附開成三年 萃編載卷百十三

代為師

師作

山東

缺山

諸軍

缺諸

日甚

缺甚

安史

缺史

亦足缺亦其誠缺誠一〇三絕缺一三五十頃缺頃兵

重缺重加号号作聖葬缺聖未充缺未

新唐書田悅傳悅以苻璘康情為瓜牙璘之降也未

必出于本心而新唐書列於忠義傳亦幸矣哉璘入

觀賜靖恭里第一所長安志輔國大將軍苻璘宅在

靖恭坊街南之西北隅平津讀碑記

大遍覺法師元奘塔銘開成四年五月十六日

於白鹿於作干此干作修作修号作號又學缺又是故

第故誤寺遺寺誤刑耗耗作貞觀貞作會無缺會

震維俞安期禮塔至因觀在銘詞下非

碑爲劉軻撰摭言稱劉軻少爲僧止于豫章高安縣南果果園復求黃老之術隱於廬山既而進士登第與韓柳齊名兩唐書不爲軻立傳新唐書藝文志劉軻春秋三傳指要十五卷

平津讀碑記

北巖造象七種

在資州

魏恩題記

高一尺三寸廣三寸兩行行字不一字徑寸許正書

弟子魏恩爲亡孝妣造永爲供養開成四年八月廿三

日記

資州參軍邵暗復官題記

高二尺二寸廣九寸六分八行行字不一正書左行

上刻
佛象

殺苦觀廿音菩薩

□□□□□天尊

弟子攝資州錄事叅軍鄧暗自去年三月九日到官遵
守

教條匡持眾務自以耿直爲事翻遭猜更加誣至五月
廿九日奉命停務暗仰祈陰隲下燭無辜因發顛奉爲

相公及當州使君造 二大聖金采眸容煥乎圓脩果

蒙加護□□深冤至其年十月十七日蒙 相公迴垂

仁鑒俾復本官若非聖力所加安得無移舊貫今者因

齋慶讚式表丹心爰刻翠珉以彰靈應時咸通十四年

歲癸巳二月八日記

天尊上似是九子

國子祭酒□□等題名

高一尺廣二寸五分二行
行字不一字徑六分正書

光祿大夫檢校國子祭酒□□

□□節度先鋒副兵馬使□□□

任亮題名

高八寸廣三寸二行行六
字字徑十分正書左行

弟子任亮奉爲使君敬造供養

寇十二娘題名

高四寸廣二寸一
行五字字徑七分

寇十二娘造

杜行滿題名

高一寸七分廣二尺三寸橫列十八
行行一字徑一寸三分正書左行

杜行滿發心粧地藏菩薩一身追薦所生父母

等慈寺題字

高一尺廣一尺八寸四行
行二字字徑三寸餘正書

重修等慈禪寺中佛

爲錢岳夫婦造象

高一尺廣五寸三行行字
大小均不一正書左行

敬造地藏菩薩壹身

奉爲錢岳夫婦造以資寬識

九品往生社碑

高三尺七寸廣二尺上層序廿三行行六字下刻男
女姓氏九列行字不一字徑五六分額題往生碑三
字並正書
在紹興

結九品往生社

并序

沙門嚴訥謨

唐開成五年歲次庚申

皇帝昇極是歲夏五月會計禹寺請元英法師講金剛
經於餘姚平原精舍會次募一千二百五十人結九品
往生社夫爲善者迷於所趣無量壽佛返念不怠遺已
掛咒東樂投簪史氏稱之其風不泯矣公學我真教挹
其遺蹤施有等荖階陳九品旁求貞石書其姓字不以
予管見命序其事云

第一品 第三品 第五品 第六品

僧嚴訥 蔣漸進 僧良捷 僧雅操

僧永端

空九行

僧陟霄

僧智源

空六行

第四品

僧獻通

藕約

徐十一娘

朱甯

僧惠平

梁十一娘

空一行

潘禺

邵玘

第二品

魏晟

陸遂

邵仕興

徐文政

蔣沛

方榮進

呂三娘

鄭大娘

張菩提

馬超

梁出世

朱趙七

陳世一娘尼淨嚴

胡大惠

第七品

第九品

僧閑居

方榮進

尼契能

邵六娘

鍾元成

僧清習

鄭師簡

尼深淨

董法超

宋忤

僧履言

危倫

尼志常

劉智滿

胡仲芳

潘雅

吳貫之

尼宏政

胡二娘

劉叔

傅成

許玩

尼宏辯

梅十二娘俞子興

申屠儉

楊成

尼契虛

張八娘

朱瑄

潘存約

方常和

尼圓政

施十一娘蔣仕琳

陳卅娘

徐式

尼遠照

劉一娘

夏用

項卿

繆肝從

尼體常

周三娘

陸嵩

朱清淨

繆岑

尼契端

胡福相

劉文臯

尼宛輪

繆陶婆

尼目淨

沈九娘

賈政

第八品

鄭協

尼妙喜

虞清淨

沈簡

尼堅持

繆日華

潘妙性

黃二娘

龔榮

李臯

李瑜

梁出世

王三娘

盛望

高二娘

戚通

徐十二娘

葉四娘

陳可津

鄭簡

方子明

徐三娘

吳卅娘

盧倣

邵強

朱十二娘

江十一娘

朱智明

謝行恭

方二娘

李志圓

許三娘

翁珎

姜三娘

黃三娘

宋十四娘

周慶徽

張圓滿

李圓滿

馬訓

沈十一娘
繆真姓

僧法敷

徐公佐

鄭三娘

僧元宵

藕澄

丁蓮花

戊申十二月澄江方可中得之禹寺因記男月山刻
分書在碑
尾下方

道光二十八年禹寺僧鋤地得此碑卧灌莽中江陰
方可中洗拓示余亟命兒子同善置趺承之移樹殿

中案唐文宗以開成五年正月崩是月武宗即位明年改元會昌序稱開成五年皇帝昇祿謂武宗也碑以是年立嗣是會昌五年即詔毀天下佛寺僧尼并勒歸俗此寺以禹故當不毀而社中九品人懼羅禍或瘞其碑蓋至今一千五十餘年始復出土故鋒穎完整如新云十二月二十二日知紹興府事漢軍徐榮鐵孫記

在碑左
空處

右碑上層刻序下九層列九品人姓氏文云募一千二百五十人結九品往生社碑列姓氏僅一百廿五十舉其一以一人轉募九人爲社長也碑書

會稽作會計史記夏本紀禹會諸侯江南計功而崩因葬焉命曰會稽會稽者會計也水經河水注云禹合諸侯大計東治之山因名會稽漸江水注云禹合諸侯計于此命曰會稽又周禮大司馬簡稽鄉民宮正稽其功緒注皆曰猶計也碑字多俗譌社作杜標題如此冕作冕英作吳十七行强作强餘不悉舉募作慕同音假借

司徒李光顏碑

開成五年八月十四日

萃編載卷一百十三

額題唐故河東節度使守司徒兼侍中贈太尉諡曰忠李公墓之碑二十四字正書

經始大厦

缺經始二字

另阿跌氏

缺跌字

命公討叛

缺公字

輔車

爲固

缺固字

俾公旋止

缺公字

而好自息

缺好字

左門槍

缺槍字

安敢讓辭

缺安字

六踐台席

□□戎□

缺戎字

屹如長城

長外

三字

莫之與京

蒼生句之上四字缺

□水湯湯兵

□□□

缺兵字

太子賓客趙夫人夏侯氏墓誌

方一尺三寸八分廿五行行廿六字字徑四分正書篆蓋題唐故夫人夏侯氏墓誌九字在襄陽鹿門書院

唐山南東道節度惣管充涇原防秋馬步都虞候正議

大夫檢校太子賓客上柱國趙公 亡夫人譙郡夏侯

氏墓誌銘

并□

鄉貢進士唐正辭撰

夫人之先譚郡人後移貫深州樂壽縣昔武王克商封
夏禹之後於杞列爵爲侯伯厥後因爲夏侯代漢有滕
公諱嬰佐 祖定天下子孫益熾冠冕弥盛國史家傳
粲然可觀曾祖諱載滄州長史 祖諱璵試太子詹事
滄景節度都押衙考諱夢試太常卿充冀州南宮鎮遏
兵馬使皆先材茂器移孝爲忠夫人結餘慶於千年傳
遺芳於三代脩謙柔之行稟純淑之姿舉不違仁動皆
合禮既笄年之歲歸于趙氏克叶開雝之興允諧鳴鳳
之求 趙公以文武全才述職戎府公家之事不違匡
甯 夫人內睦姻親外承賓客輔佐君子清風穆然斯

不謂之賢哲之行歟期天降鑒介以眉壽魚軒象服夫
貴妻榮爲龍爲光焜燿閨臺何啻年始知命奄歸下泉
積善無徵吁可痛也以開成五年六月廿六日邁疾終
於襄陽縣明義里之私第享年五十趙公愬戎涇上式
遏西蕃王事靡鹽瓜時未至夫人瞑目之際不及
撫床之哀窅窅之辰莫展臨棺之慟人之知者孰不爲
之傷嘆焉以其年十一月癸酉朔廿四日甲申龜地叶
吉葬于襄州鄧城縣支湖村之東壙禮也長子宗立當
軍卽度散將次日宗本鄉貢明經次日宗元次日宗式
咸稟慈訓且服教義宗立宗元侍從防邊宗本宗式躬

護聖事必誠必信禮無悔焉爰以 夫人德行來請銘
誌琢于貞石庶千載之後徽猷不忘恭副孝思乃爲銘
曰

猗歟夫人 植操無隣 孝由天性 義存人倫 德

行聿脩 徽猷日新 如何不吊 奄謝芳塵 展矣

良夫 護塞從軍 宅窆有期 歸路無因 樊城之

陰 漢水之濱 卜得鮮原 崛起孤墳 秋草萋萋

逝波沄沄 德存于石 磨而不磷

按趙公夫人夏侯氏墓誌銘唐正辭撰題列趙公官
職而不著其名開成五年回鶻款塞防秋正警趙公

忽戎涇上式遏西蕃即是時也舊唐書地理志深州
樂壽漢樂城縣後魏改爲樂壽隋屬河間郡永泰中
屬深州又襄州治襄陽鄧城漢鄧縣屬南陽郡古樊
城也宋故安養縣天寶元年改臨漢貞元二十一年
改鄧城代宗三年改元永泰貞元廿一爲德宗末年
夫人當文宗開成五年年五十則生於貞元六年時
樂壽已屬深州而終於臨漢改鄧城之後碑誌與史
悉合

金石
續編

碑有誤癸酉朔則廿四日是丙申非甲申甲申乃
十二日廿四日是甲申則朔日值辛酉非癸酉攷

通鑑目錄是年十月癸卯朔則十一月值癸酉朔
是也甲申乃丙申之誤篆蓋九字續編失載瓜時
續編作瓜期傳寫亦訛宏作先底作厶壺作臺岡
作崑皆別體塚疑即瑑字餘不悉記元和姓纂後
魏左光祿夏侯道謙爲譙郡太守子孫因家焉誌
云夫人之先譙郡人蓋出道謙之後也

陳少公母蔣氏墓誌

方一尺三分廿一行行廿一至廿六字
不等字徑四分許正書在江都王氏

陳少公亡太夫人蔣氏墓誌銘

并序

進士呂貞儉撰

在前
行下

夫人族本樂安鄆府節度押衙兼御史中丞裕十七代

孫派流遠裔簪紱相承 祖脩皇虔州贛縣尉 父政

好游山水志考諸文弃業從途終于虔州夫人即公之

第四女也少而孤露育于母手每思其親常哀咽不食

而竟夕繇是親戚咸哀而異之性直實言喜怒未常見

於色及笄歲嬪于陳氏性仁溫孝能奉舅姑於娣姒之

間偏沐撫愛姑常謂之曰蔣氏新婦解吾意每所動用

皆合吾心此乃婦德也有子二人一男一女女出侍江

家男季端娶故徐州彭城縣尉劉氏第三女也有孫四

人長孫師貞次孫宮十李老金娘等自夫人於開成五

年六月中旬卧疾伏枕至今春漸將逾殛知大期向終
頃爲其男曰吾氣力頓衰殆將不起夫礼節廉讓汝粗
知也吾終之後汝主奉家業當謹節温勒無哀毀此即
吾瞑目無憂子遺此示向勿而終享齡六十九矣以其
年春二月十三日甲寅寔神卜兆于江陽縣嘉寔鄉北
五乍之平原禮也嗚呼泉扃一奄邈于千古蕭々松柏
煙伴愁雲宵々孤魂路垂親戚嗣子季端恐陵谷千變
乃尅石紀銘其詞云尔 其一曰

漠々春雲歸無處所 悠々大川賢愚一路 夫人德
行奄忽朝露 刻石紀銘以永千古 其二曰 悅々

魂遊逝水 森、墳聳荒川 望愁雲兮氣絕 號叫

聲咽空原

會昌元年二月十日記

誌立於會昌元年敘云其年春二月十三日臨文
失檢矣是年二月壬寅朔千支正合顓作顓俗政
字缺一筆當是家諱寡乃寡之俗勒當是勤之誤
泉扁一奄不作掩說文奄覆也猶見本義睂睂孤
魂借睂爲杳恍恍魂遊恍恍古今字

趙夫人河內張氏墓誌

方一尺一寸二十行行廿三至
廿八字不等字徑四五分正書

唐趙公夫人故河內張氏墓誌銘 并序

鄉貢進士沈櫓撰

此行在
標題下

夫□人不□□物通□阜

俗

与廿俱行孝敬存家令德

彭茂夫人河內郡□□雲陽人也夫人幼閑軌則門望

之崇既笄之年歸于天水趙公之□□夫人□□母教

動叶禮義處室也功容允明僻家也德言咸著四者脩

□□婦道乎何有方期地鳳皇之吉頌螽斯之宜內外

嫺戚莫不□奉何□湛沉□大夜將奄時春秋五十□

□以會昌三

年

歲次

癸

亥正月廿四日終于長安里返

壽坊之私第□夫趙公家壯儒流□聞風雅四男成長

二子駉室兩女有家長□□□□府□□州□陽縣主

簿官貞政理鍾鼎是期次男師牧師□師運皆□以□

力□助曾叅甘旨不虧長女幼適河內張宥正定遠將

軍前光王府典軍次女早適樂繁任濠州定遠縣尉並

溫溫潤德悌睦謙柔送往慎終僉悲薤露□夫以其年

五月□六日窆于京地府長安縣小嚴村之原禮也恐

陵谷遷變□廿湮淪故刊于石以誌綿邈其銘曰

洎乎有歸 逝于德輝 令望益著

殲□□矩 孤貞四被 天不憖遺

誌彼泉石 名留不縻

安子書

宜郎篆額

閭郎刻字

右趙公妻河內張氏誌在長安趙公不詳其名沈
櫓撰安子書宜郎篆額閭郎刻字安子宜郎閭郎
疑皆趙氏子或小名也古誌石華載此刻標題內
脫公字首句缺人不二字咸著誤作咸備下缺者
脩二字道上缺婦字乎誤作于內外下缺嫺戚莫
不四字并缺奉字何下似是候字誤作以并缺邁
字趙公上脫口夫二字夫上似是悲字牧誤作牧
會上缺助字張下缺宥字典誤作曲縣尉上缺遠

字睦上缺悌字以其年上是□夫二字誤作一卽
字銘詞內缺矩字茲悉據石錄之又母教上作女
宗二字聞風雅上作夙字五月下作廿字廿湮淪
上作家字黃氏書多以意增損者未敢據以補入
又沈下似是極字長下黃氏有男師二字以余所
審師字當不誤師上不似男字似曰字姑闕之攷
新唐書雲陽縣屬京兆府京兆郡然則雲陽上所
缺當是京兆二字上言河內郡者蓋夫人之族望
也夫人之媚張宥正列銜稱光王府典軍光王者
元宗之子瑒所封爵見宗室世系表樂繁列銜稱

濠州□遠縣尉放濠州本作豪元和三年改從水
旁其屬有定遠縣本名臨豪武德三年改稱遠上
所缺其爲定字無疑延壽坊在長安街西裴巽宅
成安公主宅均在是坊

五大夫新橋記

高七寸六面面廣九寸各十一行行九字字徑七分
行書第六面刻姓氏一行行立幢記并題共九十一
行行十二字字徑四分餘正書在上虞五大夫虹橋南岸

五大夫□內二所新橋記

佳廬山野人余球述

汝南周援書

夫山嶽降靈非大聖無

由

開化適化所有非

釋

教無以

導心於是會稽東不遠七十里有大澤曰虞江、之東

南廿里

有

草市粵五大夫在

鳳

山南面山則連環朝仰

如君臣相挹有序冠

綽

雖

異人莫能測本因焦

氏立瑩

於此孝感

上聖而

為

名焉故其地

也

聚天下之巨

需天下

之

貨市之南崗則德興

村

大雲寺置莊

於茲市

之北新江路、通

於市

則

黃山河古人以

行之

將

接行

旅為不

滯之由緣

不壯不麗

危而且險

或遊童牧豎登

陟

於此多

悞斯墜墮以父母

兄弟

噫

相仆為民所

病時

大雲寺常雅公

本

吳郡富春孫氏因宦

徙

居金華為上

人少小聰慧知釋教之可歸非歲從緇心若冰鏡戒全

鵝珠窮阿難之妙音洞迦葉之微旨既見我皇帝

乾元啓運布德維新遂乃發心慕緣造茲橋二所其橋

上臨星斗下跨洪流資萬世之妙因旌千秋之勝善時

有前深水尉彭城劉公日阜發心造斯勝幢共議卓

立南岸用彰永福

□□太子獄牧縣宰父□師僧十室長幼資其冥福使

億劫著善爲行旅揭厲遷炎送餞賞翫怡神者哉時

廉使李公仁風遠扇卧牧百城邑大夫王公

術過烹飪軫枯琴於棠樹丞公簿尉諸公有仇香之

異能同梅真

之惠

化并州

縣職吏及市內尊幼四村檀

越

並入龍兄弟三虎子孫共植勝因同崇廣福

會昌三年歲在淵獻月屬無射二十有九日建

清河張

太安刻

字

唐會昌三年

建此幢至五年八月奉

勅

毀寺其

幢隨例

亦毀

至大中

即位元年佛

法重興

至四年

庚午歲秋七月

九日前宣

州溧水尉劉臯与當

閭闔

信士

等同募緣而再建立

於五夫橋南

丹艘同圓

伏愿代

後人

不曉遂剋金石耶

廉使

李令常

主簿

羅

尉李

鄭

將鄭 勾當陳繼宗馮拍

錢玟上虞金石志略常雅全唐詩無傳載有題伍相廟七律一首劉臯全唐詩小傳宣宗時鹽州刺史爲監軍楊元玠所殺此云溧水尉生與同時宦轍各異周瑗嘉泰志作周授誤 按此刻嘉泰志云石不存寶慶續志云刻於市中一石塔之下前志蓋未嘗見也然續志知有此記而不載其文孔延之會稽掇英集詩文多由搜巖剔藪而得亦復見遺若金石家更無從著錄者余得是刻惜其間有殘缺沈復繁藏有正統上虞縣志具載全文因得補錄完善爲之愉快

其德興村大雲寺黃山河諸名皆地志所不詳宋張
湜雲溪雜記會據此刻辨五夫非秦封松處曰上虞
有村市曰五夫故老云有焦氏墓於此後五子皆位
至大夫因而得名紹興間王十朋作會稽風俗賦有
楓挺千丈松封五夫之句疏干下云上虞有地名五
夫始皇封松爲五大夫之處余嘗見道旁古石塔有
刻字尙可讀迺會昌三年余球元誤所記乃知五夫
之名實由焦氏惜乎十朋不見云云觀此金石之爲
功非淺鮮矣記中曰作粵募作募刻作剡皆以音同
通用其稱廉使李者以唐太守題名記證之記撰於

會昌三年廉使乃李師稷後記在天中四年廉使乃
李衷也草市之稱亦見元微之長慶集自注云平水
鏡湖南草市名蓋唐人呼四鄉之市為草市云
越中金石記

据越中金石記此記刻幢上上截為會昌三年劉
臯造幢惜未拓也石較杜氏所見尤多殘泐据杜
氏補注之其中不無可疑耳

能禪師石室銘

高二尺五寸五分寬一尺七寸二分九行行
十二字正書篆額 能禪師石室銘六字

能禪師石室銘

造
會三年

自有此山即有此窟火不能焚水不能沒能師矻矻勞
心若骨誓□山僧鑿成禪室室成誓首焚香白 佛顙
此石室不崩不窒與僧安禪與劫終畢猛獸勿入毒蟲
瘴出不葬死僧不捫鬼物□違是銘得罪如律

□□月廿三日前進士李祝書

京畿金石考載趙州能大師碑宋鼎撰史惟則分
書天寶十一載立又見於邢臺邢臺又別有曹溪
能大師碑見寶刻叢編

八瓊室金石補正卷七十三終